


I Bayibuli iye babaana
ikhureerera

Khuusaalikha
khwa Yesu



Byaronebwa ni: Edward Hughes

Byaloosebwelakho ni: M. Maillot
Alastair Paterson

Byan'gan'gasibwa ni: E. Frischbutter; Sarah S.

Byaayusibwa ni: Rev Eridad Milton Shissa

Byaarusibwa ni: Bible for Children
www.M1914.org

©2020 Bible for Children, Inc.

I Layisiinsi: Uli ni buubalaayi khuukoopolola namwe khuukhupisamwo
luukano luno, n'uuba nga s'uuli khuutsya khuulukulisa ta.



Khaalekho, Wele aarumana
Malayika Gaburyeli, khuutsya
isi Umukhaana khalayi
ukhaamanyakho umuseetsa
yeesi ta, isi balaanga bari
Malyamu.



Waatsya waamubbolela ari, "Utsya khuba shisoombo usaale umwaana umsiinde, umutwiikhe Lisiina uri Yesu. Alilaangibwa Umwaana w'ooyo uuli angaaki Luukali. Niye akhaawule biilo ni biilo."



Umukhaana khalayi uyo weelamwo
ari, "Ne shinyala sheetsa shaaba
shiryeena? Ise naakhubatsakakho
n'umusaani yeesi ta." Malayika
waabolela Malyamu ari
Umwaana uyo atsy
khukhwaama isi
Wele. Ari s'aatsya
khuubakho ni
paapa uwe mu
shibala ta.



Aryo kila ndi malayika aboolela Malyamu
ari, shananyina sheewe Elisabesi waahesa
abe yakhaba nga ali mu miiko
kyeewe kye buuloosi.

Shino nasho shaba
she kamakaanga
khukhwaama isi
Wele. Lwanyumakho
khakyekhe,
Malyamu weenyukha
waatsya khuubonakho
Elisabesi. Boombi

baaruuya naabi Wele.



Ne Malyamu niye aaba
akanikhisibwa n'umusaani
isi baalaanga bari Yusufu.
Yusufu kumutaambo
kwamuwaamba ni
aawulila ari Malyamu
waahesa ali
shisoombo.
Shamwambaasisa
shiri manya iliwo
umusaani ukuundi
uwaba waamuhesisa.



Ne mu marooro, Malayika
w'Omukasya, waatsya waaboollela
Yusufu, ari Umwaana aaba
Umwaana wa Wele. Ne Yusufu
niye aaba ali ni khuyeeta Malyamu
khuuloolelela Yesu.



Yusufu aafukiilisa waawuliilisa byeesi Wele aaloma.
Naluundi aafukiilisana ni byeesi kamakaambila ke
linaambo lyewe kaloma.
Ne lwe likaambila
lishaakha, niye
ni Malyamu



baarura mu shiriimba she
waabwe Beselehemu, baatsya khuuhaanda kimisolo.





Malyamu aaba
ali aambi khuusaala
umwaana. Ne Yusufu
waalekha khunyoolayo
shiifwo she bukono
ta. Buukono
bwoosi bwaba

bwetsuulemo
bakyeni.



Lwanyuma lwa byoosi, Yusufu waanyoola shiifwo isi
bibyaayo bikona. Mu bweene umwo, nimwo mweesi
Yesu aasaalikhila. Maayi
weewe, waamwaalisa
mwikhon'golo
mweesi
bibyaayo
biliila.



Aambikho awo, babaayi be kamakheesi baaba balikho
baliinda kamakheese kaabwe. Malayika w'Omukasya
waababonekhela, waababolela
kamakhuwa
kamalayi.



"Shaleelo, khu shifukhu shino, Umuwonesi
waasaalikhile mu shiriimba sha Dawudi, niye
Kristo Umukasya. Kane munyoole
umwaana nga waalisibwile
mwikhon'golo
mweesi
bibyaayo
biliila."



Lubaluba, Bamalayika babaandi swaa busa nga
bamweekhamweekha busa baabonekha,
nga baruuya Wele, nga baloma
bari, ...



... "Lukoosi isi Wele Uuli Angaaki Luukali,
ni khu shibala khubekho Luukoosi,
bubweela isi babaandu.



Babaayi beenyukhilamwo baatsya isi
bibyaayo biliila. Ni baamala khuubona
Umwanaa, baaboleela buli mutweela
isi baakanana byoosi byeesi Malayika
aakanikha khu Yesu.





Lwanyuma lwe bifukhu
kamakhumi kane, Yusufu
ni Malyamu baareera Yesu
Mwisaayilo Likhulu mu
Yerusalemu. Yabayo
umusaani mutweela is
balaanga bari Simeoni
uwabuyila Wele
lw'Omwaana uyo,
nga Ana naye, uwaba
umuloosi, nga ali
umwakaanisi
w'Omukasya,
naye waawayo
khuusima.





Boombi baamanya
bari Yesu aaba
Umwaana wa
Wele, Umuwonesi
uwasuubisibwa.
Yusufu waareera
binywiinywi bibili
waabiwaanayo
nga tsisaayilo.





Shino shaba
shiwaanwa
shishaweebwa
khusiintsila khu
likaambila lya wele
liliwaamba khu
baandu bataambi,
sheesi banyalisa
khuureera, nga
bawaanayo
umwaana
umusiinde
umukibooke isi
Umukasya.



Lwanyumakho
khakyekhe,
inieenieesi iya
buraawa yaraangilila
basaani Be
Kamakhula



khukhwaama I Bwaamanyaanga
wa Yerusalem. Beetsa nga
bareeba bari, "Ali waheena
usaalikhile khuuba Umuyiinga
we Baayudaaya? Khweetsile
khukana khuumiisaaya."



Umuyiinga Herode
waawulila bibiihaamba
khu basaani be
Kamakhula bano.
Kumutaambo
kwaamuhaamba naabi,
kila abaloma ari beetse
bamubookelele nga
baamalile khuutsya
ne banyoola
Yesu.





Kila abalomela ari,
"Nase ingana khuutsya,
imwisaaye." Ne shino
aaba nga alikho
awombesa busa.
Herode aaba
alikuukana
khuutsya eere
Yesu.







Inieenieesi yaaraangilila basaani be
Kamakhula bano, khuutsya khwoola khu
ntsu inyene mweesi Malyamu
ni Ysyfy baaba bamenya
n'Umwanaa. Bakyendaani
bano baafukhamila aasi,
baareerera Yesu
biwaanwa bye
lisuno bye zaabu
ni bibiiwunya
buulayi.

Ne Wele waabareewurila
mu marooro Basaani
be Kamakhula bano ari
beeleyo ingo waabwe mu
shimoonyo busa. Ne shino
shaataambisa naabi Herode.



Aryo weetsubila ilala
khuubona ari akhoonya
Yesu, shaakila umuyiinga
umubi yuno waakhoonyaka
babaana besiinde boosi
be mu Beselehemu.





Ne Herode yuno waalekha
khunyalisa khukhwoola
khu Mwana Wele
khuumukholakho buubi ta.
Lwekhuuba, nga baamalile
khuureewulibwa mu
marooro, Yusufu
waayila Malyamu
n'Umwaana,

baatitukha baatsya kwe
Misiri isi baawonela.



Heode n'aamala
khuufwa, Yusufu
waakobosa Malyamu
ni Yesu khukhwaama
I Misiri.



Baatsya baamenyatsaka
mu khariimba khaakyeeekhe khe
Nazareesi, aambi ni nyaantsa Galilaaya.



Khuusaalikha khwa Yesu

Luukano khukhwaama mu Lomo ya Wele,
I Bayibuli

Inyoolekhana mu

Matayo 1-2; Luka 1-2

"Biilomo byoowo nga byeenjiile bireera
buwaanga." I Zabuli 119:130





Intasakamwo



Luukano Iwe Bayibuli luno lukhuboolela ifwe bibiihaamba
khu Wele weefwe umukhulu, uwakhubuumba ifwe naluundi
uukhukana iwe umumanye niye.

Wele waamanya ari ifwe khukhola bibiindu biibi biikali, byeesi niye
umweene alaanga ari bibyoonaako. Shitaambiso shye bibyoonaako nikhwo
khuufwa, ne Iwekhuuba Wele akhukana iwe naabi, waarumana Umwaana
weewe Mutweela Yenyene, Yesu Kristo, khukhwiitsa khuukhufwiilila khu
musalaba, aryo niye waataambisibwa Iwe bibyoonaako byoowo. Lwanyuma
Yesu waalamukha khukhwaama mu bafu weelayo Mwikulu! Iwe n'ufukiilisa
Yesu, waamuloomba khuukhwiyakhila bibyoonaako byoowo, kane ashikhole!

Niye Umweene kane eetse, amenye mwiiwe aluno ari,
ni nawe umenye ni naye biilo ni biilo.

N'uuba nga waafukiilisile uri buno buli bwan'gali, loma shino isi Wele:
O Yesu, ifukiilisa indi iwe uli wele, ne wekyela umuundu khuufwa Iwe
bibyoonaako byase, ni na ari uliwo umulamu luundi. Ari yinjila mu bulamu
bwase, wiakhile bibyoonaako byase, nio inyalise khuuba ni buulamu
bushaakha alunaari, nio lube lutweela niitse imbe ni nawe biilo ni biilo.

N'unjeete imbe uwuliiilisa byeesi uloma, imbewo khulwoowo
nga umwaana woowo. Amiina.

Soma I Bayibuli, ukankhatsake ni Wele buli bushee! Yokana 3:16

